

From: UUM CORPORATE COMM.
Sent: Wednesday, July 3, 2019 2:05 PM
To: UUM - All Staff; UUM - All Students
Subject: Aplikasi Ilmu Dalam iLeAP Untuk Bangunkan Universiti



UUM Corporate Comm.
Universiti Utara Malaysia

3 JULAI 2019 / 29 SYAWAL 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Muhammad Shamsul Shafie

APLIKASI ILMU DALAM iLeAP UNTUK BANGUNKAN UNIVERSITI



UUM ONLINE: Penjawat utama universiti yang mengikuti program Leadership Cafe & Individual Leadership Advancement Plan (iLeAP) diharap dapat mengaplikasikan ilmu diperoleh untuk membantu membangunkan universiti.

Naib Canselor, Prof. Dr. Ahmad Bashawir Abdul Ghani berkata, Leadership Cafe & iLeAP adalah untuk memfokus kepada mekanisme yang telah diaplikasikan oleh Akademi Kepimpinan Pendidikan Tinggi (AKEPT) dalam memprofil kepimpinan pendidikan tinggi dan juga akan berkongsi profil bagi pemerkasaan kompetensi kepimpinan individu.

Menurutnya, hasil profil ini juga akan membantu setiap individu mengenal pasti kekuatan dan penambahbaikan kompetensi kepimpinan masing-masing, seterusnya akan mengikuti program-program pembangunan kepimpinan yang disediakan AKEPT.

"Saya dapati penjawat utama universiti terdiri Ahli Jawatankuasa Pengurusan Universiti (JPU), dekan-dekan dan pengarah jabatan yang pernah melalui proses penilaian profil oleh AKEPT akan menerima 'report card' masing-masing, di samping berpeluang untuk mendapat pendedahan dan perkongsian ilmu.

"Saya percaya skop kandungan program iLeAP ini dapat memberikan pendedahan dan memantapkan lagi pentadbiran serta kepimpinan di pusat tanggungjawab masing-masing terutama penjawat-penjawat yang baru dilantik memegang jawatan pentadbiran," katanya pada program Leadership Cafe & iLeAP di EDC Hotels & Resorts, semalam.

Tambah beliau lagi, sesebuah organisasi mempunyai ahli yang boleh dikatakan sebagai pasukan dan pemimpin pasukan memainkan peranan penting kerana mempunyai banyak kelebihan daripada individu secara perseorangan.

Katanya, kelebihan begitu ketara dari segi pengalaman, kemahiran, perolehan maklumat, pembahagian kerja dan penggabungan kerja, justeru, kompetensi kepimpinan dan kerjasama berpasukan amat penting dalam melaksanakan sesuatu matlamat.

Menurutnya, budaya organisasi banyak dicorak dan dipengaruhi gaya kepimpinan seseorang ketua yang perlu memiliki peranan membentuk iklim organisasi yang lebih kondusif untuk menjana pembentukan prestasi kerja yang lebih baik.

"Tabdir urus yang baik mencerminkan nilai kepimpinan semua penjawat utama terlibat dan kompetensi kepimpinan yang terpuji serta cemerlang akan dapat meningkatkan keyakinan dan persepsi masyarakat luar terhadap kualiti sistem penyampaian perkhidmatan kerajaan secara amnya dan secara tidak langsung mencapai matlamat UUM khususnya," katanya.

Pengarah AKEPT, Prof. Dr. Nordin Yahaya turut menerangkan tentang pelan strategik AKEPT bagi tahun 2019 hingga 2025, selain proses atau prosedur pelantikan Naib Canselor dan Timbalan Naib Canselor serta inisiatif yang dilaksanakan AKEPT.

Pada program tersebut, peserta berpeluang mengikuti sesi interaksi iLeAP bersama Penilai Utama (Lead Accessor) AKEPT, Mujab Sungip, diikuti pembentangan AKEPT oleh Timbalan Pengarah (Pusat Pembangunan Bakat dan Tadbir Urus) AKEPT, Prof. Madya Dr. Ismie Roha Mohamad Jais dan sesi *'Up Close & Personal'* bersama Dato' Sri Ibrahim Ahmad, Pengerusi Lembaga Pengarah Universiti Malaysia Pahang (UMP).



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.